

Junie
2009

	Telefoon	Faks
Hermanus	028 313 8000	028 313 1894
Gansbaai	028 384 8300	028 384 0241
Kleinmond	028 271 8400	028 271 4100
Stanford	028 341 8500	028 341 0445

24 Uur Beheerkamer Brandweer	028 313 8000/8111 028 312 2400
---------------------------------	-----------------------------------

Bulletin

Amptelike nuusbrief van Munisipaliteit Overstrand

'N WÊRELDEERSTE VIR GANSBAAI

NUWE TEGNOLOGIE BESPAAR RUIMTE EN GELD

Daar heers groot internasionale en akademiese belangstelling in die tegnologie wat by die pas opgegradeerde rioolsuiweringsaanleg op Gansbaai ingespan is.

Die aanleg is Dinsdag 14 April 2009 deur die Uitvoerende Burgemeester, mnr Theo Beyleveldt, in gebruik gestel by 'n geleentheid wat onder andere deur die Nederlandse konsul-generaal in Kaapstad, me Catharina Verkerk, bygewoon is.

Dit is die eerste keer dat die nuwe "Nereda"-tegnologie wat in Nederland ontwikkel is, volskaars aangewend word. Twee nagraadse studente, een van Stellenbosch en een van die Delfse Universiteit van Tegnologie, gaan die implementering van die stelsel verder bestudeer.

Die Nereda-stelsel hou groot kostevoordele in vir sowel die ontwikkeling van die infrastruktuur as vir die bedryf van die aanleg. Die afbreekproses van riool is tien keer vinniger as by konvensionele stelsels en die digter slyk wat agtergelaat word, bring mee dat 'n kleiner oppervlak vir die verwerking daarvan nodig is.

Omdat daar 'n risiko daaraan verbonde is om tegnologie te gebruik wat nog nie volskaars en buite Europa getoets is nie, het die Overstrandse Munisipaliteit besluit om 'n mengsel van

die oue en die nuwe in te span, het mnr Stephen Muller, Infrastruktuurdirekteur van die munisipaliteit, by die geleentheid gesê.

Die aanleg bestaan dus uit 'n konvensionele reaktor wat 2MI riool per dag kan verwerk en 'n Nereda-stelsel wat 4,5MI per dag mee kan wegdoen. Met dié verhoogde kapasiteit sal die aanleg na verwagting tot na 2020 voldoende wees vir die behoeftes van Gansbaai.

Die gesuiwerde water sal vir die besproeiing van die naasliggende sportkompleks gebruik word en 'n pyplyn sal binnekort aangelê word om Gansbaai se gholfbaan en sportvelde in die woonbuurt Blompark te bedien.

Die Nereda-stelsel is hoogs geoutomatiseer, en 'n geprogrammeerde logiese beheerstelsel is per modum met die moedermaatskappy DHV in Nederland verbind om te sorg dat daar goeie monitoring is.

Die projek is onder die leiding van Pieter Jordaan van SSI, die Suid-Afrikaanse filiaal van DHV, uitgevoer en hy is onder andere deur plaaslike ingenieurs bygestaan. Die werk het in September verlede jaar begin en het altesame R26,6 miljoen gekos. Dit sluit die sink van veertien boorgate vir monitoring van grondwater in.



SKOONHEDE RUIM STRAND OP

Op Vrydag 8 Mei 2009 het Grotto-strand vir 'n groot attraksie, of dalk moet ons eerder sê aantreklikheid, gesorg toe verskeie finaliste in vanjaar se Mejuffrou Aarde-kompetisie hier byeengekom het vir 'n Strandskoonmaak-aksie wat deur die plaaslike aspirant, Maxzell Lerm, gereël is. Na 'n kort toespraak waarin hy op die belangrikheid van Blouvlag-strande gewys het, het Burgemeester Theo Beyleveldt die dames uitgestuur om hul sending te volvoer. Maxzell is een van die gunstelingen om hierdie skoonheidskompetisie te wen aangesien sy hard aan haar veldtog gewerk het om plaaslike inwoners bewus te maak van die kompetisie en hulle aan te spoor om by pro-Aardeprojekte soos herwinning en die aanplant van bome betrokke te raak. Sy skryf en illustreer kinderboeke en is betrokke by die opheldering van die kankersaal by die Tygerberg-kinderhospitaal. Die Suid-Afrikaanse been van die Mejuffrou Aarde-kompetisie is ten volle op die omgewing afgestem. Die winner sal op Saterdag 6 Junie, die dag na Wêreldomgewingsdag, aangekondig word.

BURGEMEESTERSKOMITEE VERANDER

Die pas afgelope nasionale en provinsiale verkiesing het 'n nasleep vir die Munisipaliteit Overstrand gehad deurdat een van sy voltydse raadslede en lid van die Burgemeesterskomitee, tot die Wes-Kaapse Wetgewer verkies is.

Raadslid Mike Walters het op 29 April amptelik lid van die Wes-Kaapse Provinsiale Parlement geword.

By die laaste raadsvergadering wat rdl. Walters bygewoon het op Woensdag 29 Maart, het die Burgemeester hom bedank vir die uitstekende diens wat hy deurentyd op 'n kalm en beredeneerde wyse as voorsitter van die portefeuljekomitee vir Infrastruktuur, Ekonomiese Ontwikkeling en



Pieter Scholtz



Ben Solomon

Beplanning aan die Munisipaliteit gelewer het.

Twee veranderinge is sedertdien aan die Burgemeesterskomitee aangebring. Rdl.

Pieter Scholtz, wat tot dusver die portefeulje Finansies en Bestuursdienste hanteer het, gaan voortaan verantwoordelik wees vir Infrastruktuur, Ekonomiese Ontwikkeling en Beplanning. Rdl. Ben Solomon, wat 'n lang loopbaan in die bankwese gehad het, is as voltydse raadslid aangewys en sal Finansies en Bestuursdienste onder sy vlerk neem.

Die vakature wat in Wyk 3 met rdl. Walters se vertrek ontstaan het, sal by wyse van 'n tussenverkiesing op 24 Junie 2009 gevul word. Die Onafhanklike Verkiesingskommissie sal binnekort die tydsraamwerk vir die tussenverkiesing bekend maak.

TREF BETYDS REËLINGS AS FINANSIES DRUK

Overstrand deel in die res van die land se wel en weë. Van ons inwoners kry ook swaar in die huidige ekonomiese insinking.

Indien u probleme ondervind om u finansiële verpligtinge teenoor die munisipaliteit na te kom, moet u asseblief vroegtydig reëlings tref. Versuim om u rekening te betaal, sal daartoe lei dat u rekening aan Debtpack, die Raad se invorderaars, oorhandig word.

Dit sal opskorting van dienste asook koste tot gevolg hê wat vermy kon gewees het. Onder meer is 'n administratiewe fooi van R250 betaalbaar, en diensdeposito's sal verhoog word.

OLEDA SE EERSTE PROEFPROJEK ONDERWEG

Die Overstrandse Plaaslike Ekonomiese Ontwikkelingsagentskap het onlangs sy eerste proefprojek van stapel gestuur. Die projek staan bekend as Hermanus se Riksjafietstaxi-projek. Die projek het ten doel om werklose mense te bemagtig om onafhanklike bestuurders/operateurs te word. Die onafhanklike bestuurder/operateur sal 'n omgewingsvriendelike taxi-diens aan plaaslike inwoners en besoekers bied.

Die bestuurders/operateurs is in Hermanus se geskiedenis en plekke van belang onderlig. Die gebied waarbinne hulle bedrywig gaan wees, is hoofsaaklik in die dorp en na die gebied rondom die nuwe hawe. Die fietstaxi's kan ook deur plaaslike adverteerders as bewegende reklameborde gebruik word. Wanneer jy dus volgende keer besoek aan die SSK



bring, kontak gerus vir Arthur (071 936 8644), ons eerste onafhanklike taxi-fietsbestuurder/operateur.

Indien jy meer te wete wil kom, is jy welkom om ons kantoor by 087 808 1540 te skakel.

VOETGANGERS KRY VOORRANG OP SYPAADJIES

Munisipale regulasies laat toe dat bome, struie en plante gebruik mag word om sypaadjies te versier, maar dit mag nie verhinder dat voetgangers die sypaadjies kan benut nie. Waar dit wel die geval is, sal hierdie praktyk as 'n onwettige ontwikkeling beskou word. Sou die naasliggende huseienaar versuim om die nodige aanpassings te maak sodat die ontwikkeling aan wetlike vereistes voldoen, sal die munisipaliteit genoop wees om op te tree.

MORELESTANDAARDEINISIATIEF: N° 3

VERANTWOORDELIKEHEID

Bydrae saamgestel deur prof Pierre Cilliers

Watter plesier sal dit nie wees om deel te hê aan 'n samelewing waar almal kies om verantwoordelik te wees in alles wat hulle doen nie, ook dit wat hulle nie doen nie!

Die enigste mens wat vir jou optrede verantwoordelik is, is jy! As 'n verantwoordelike persoon is ek aanspreeklik vir die manier waarop ek leef. Ek kies om my daarvan te weerhou om enigiets te doen wat ander mag skaad. Daar kan op verantwoordelike mense gereken word om hul verpligtinge ten volle na te kom. Wanneer hulle verkeerd opgetree het, huiwer hulle nie om dit te erken en te sê "Ek is jammer nie", en hulle is bereid om te doen wat nodig is om dinge reg te stel of om reg te laat geskied. Hulle plaas nie die blaam op ander nie, maar doen eerder wat hulle kan om dinge reg te maak.

'n Verantwoordelike persoon is bereid om te deel in die verantwoordelikheid om die samelewing en wêreld waarin ons ons bevind, beter te maak deur betrokke te raak en deur betroubaar en regverdig te wees, met sorg en respek teenoor ander op te tree en goeie burgerskap aan die dag te lê.

Verantwoordelikheid word dikwels as 'n las beskou, maar wanneer ons die keuse maak om verantwoordelik te wees, ontdek ons dat dit eintlik 'n groot bron van inherente krag is. Dit is die sleutel waardeur ons beheer oor ons lewens verkry. Baie merkwaardige voorbeelde is aan ons bekend van mense wat in armoede opgegroeï het maar hul lewens ontvorm het deur totale verantwoordelikheid te aanvaar vir die vorm wat hulle toekomstige gaan aanneem.

Verantwoordelike mans verkrag nie vroue nie en verwek ook nie kinders as hulle nie van plan is om vir daardie kinders te sorg nie. Verantwoordelike eggenote

verlaat nie hul huweliksmaats nie maar kom hul beloftes teenoor mekaar na. Verantwoordelike kinders gebruik nie hul omstandighede as 'n verskoning om hul lewens deur drank- en dwelmmisbruik te vernietig nie.

Verantwoordelike leiers maak nie beloftes wat hulle nie van plan is om gestand te doen nie. Hulle stel duidelike doelwitte en sorg dat hulle behoorlik beplan om daardie doelwitte te bereik. Hulle is gedissiplineerd in die manier waarop hulle daardie planne uitvoer.

Verantwoordelike burgers vat nie wat nie aan hulle behoort nie en versprei ook nie skadelike gerugte nie. Hulle betaal wat hulle skuld want dit is die regte ding om te doen. Hulle klim nie besope agter 'n stuurwiel in nie en stel ook nie ander se lewens in gevaar deur te vinnig te ry nie.

Verantwoordelike vriende daag betyds vir 'n ooreengekome afspraak op, of hulle laat jou weet as iets voorgeval het wat maak dat hulle nie 'n afspraak kan nakom nie.

Dit is altyd bemoedigend om te weet dat diegene waarop jy vertrou verantwoordelike mense is vir wie dit belangrik is om reg op te tree, selfs al is dit nie altyd maklik nie. Hoe lyk dit: Gaan jy ook kies om verantwoordelikheid te aanvaar en om in alles wat jy doen, verantwoordelik op te tree sodat ons van die wêreld 'n beter plek kan maak om in te leef?

Om meer besonderhede te verkry, skakel Ernst Kretschmer by 082 412 4538 of Ronél Mostert by 082 470 3975. Finansiële bydraes word verwelkom en kan in die rekening van die *Hermanus Transformation Association* by Nedbank se tak op Hermanus inbetaal word. Die rekeningnommer is 1345027931.



SOOI GESPIT VIR STANFORD-BEHUISINGSPROJEK

Vir 88 gesinne in Stanford is die lang gewag vir 'n huis van hul eie byna iets van die verlede. Op Dinsdag 14 April het Overstrand se Burgemeester, Theo Beyleveldt, die eerste sooi vir die dorp se volgende laekoste-behuisingsprojek gespit. "Dit is wonderlik om mense te help wat so lank gewag het," het hy gesê. Aanvanklik is 'n aansoek vir 'n behuisingsprojek bestaande uit 400 huise aanhangig gemaak wat voorwaardelik in Februarie 2006 deur die Provinsie goedgekeur is, maar onderhandelinge om grond vir die projek te vind, het vasgeval. In November 2006 is 'n verdere aansoek vir 88 huise op terreine binne die bestaande dorpsgrense aanhangig gemaak, en finale goedkeuring vir dié projek is in Maart 2007 van die Wes-Kaapse Provinsiale Regering verkry.

Daar het egter teenstrydighede rondom die toekenning van die tender vir die projek ontstaan, en die saak het 'n draai in die Hooggeregshof gaan maak. Uitspraak is vroeër vanjaar gelewer, maar verlot tot appél is toegestaan. Daar is desondanks 'n ooreenkoms bereik dat die ontwikkelaar, M5, met die projek en 'n verdere twee kan voortgaan. Die Stanford-projek sal teen einde Augustus 2009 voltooi wees. 'n Lys van 109 moontlike begunstigdes is in ooreenstemming met die munisipaliteit se nuwe objektiewe en peutevrye takseringstelsel opgestel en aan die Provinsie vir goedkeuring voorgelê. Teenwoordig ten tye van die sooiopseremonie vir Stanford se Laekoste-behuisingsprojek was, van links, Chris Meyer en Rieger van Rooyen, vennote in M5, Petronella Ferreira, areabestuurder, rdl Theo Beyleveldt, Overstrand se Burgemeester, Awie Diedericks, voorsitter van Stanford se Sosiale Akkoord vir Behuising, Bobby von Düring, Overstrand se Behuisingsbestuurder, rdl Mike Walters, toe nog wyksraadslid, en Roderick Williams, Overstrand se Direkteur Gemeenskapsdienste.

WÊRELDOMGEWINGSKALENDER: N° 3

WÊRELDDAG OM WOESTYNVORMING TE BEKAMP

Elke jaar word 17 Junie, die Wêrelddag ter Bekamping van Woestynvorming, gebruik om openbare bewustheid te skep van die internasionale samewerking om woestynvorming en die impak van droogtes te bekamp.

Die dag fokus op die implementering van die Verenigde Nasies se Konvensie om Woestynvorming te Bekamp in daardie lande/kontinente wat erge droogtes en/of woestynvorming ervaar. Suid-Afrika is 'n ondertekenaar van dié konvensie wat in September 2007 bekragtig is. Vanjaar se tema is "Bewaar grond en water om ons gemeenskaplike toekoms te verseker".

Droogtes verminder die vermoë van die grond om lewe te onderhou en het dus 'n impak op wilde spesies, huisdiere, landbou-opbrengste en mense. Bykans 40% van die Aarde se totale grondoppervlakte is droë grond wat as vlaktes, grasvelde, savannas of steppe gedefinieer word. Hierdie halfdroë gebiede ontvang minder as 600 millimeter reën per jaar. Hulle is nie so droog soos woestyne nie maar grens dikwels aan woestyne.

Indien swak grondbestuurpraktyke beoefen word, kan droë grond in woestyne verander. Wanneer hierdie praktyke met

'n droogte saamval ('n gereelde verskynsel in lande met 'n wisselvallige reënval soos, byvoorbeeld, Suid-Afrika), kan die tempo waarteen verwoesting plaasvind dramaties toeneem. Weens die verskynsel van klimaatsverandering verloor Suid-Afrika boonop rondom 300 tot 400 miljoen ton bogrond elke jaar!

Alhoewel die Overstrandstreek nie binne 'n droëland-ekostelsel val nie, kan ons optrede hier 'n verskil maak. Selfs ons kosbare fynbosbome is gevoelig vir droogte en die impak van klimaatsverandering.

Wetenskaplikes is dit eens dat die Wes-Kaap warmer, droër klimaatstoestande in die toekoms gaan ervaar. Tensame met die voorspelde toename in temperatuur, sal die afname in winterreënval in alle waarskynlikheid aanleiding gee tot erger tydperke van droogte as wat tans ervaar word. Die noordelike arm van die fynbosbome kan dalk heeltemal verdwyn, en ons gaan 'n groot getal fynbosplante verloor wat meer sensitief vir droogte is. Angesiens die boom uit 'n baie hoë persentasie endemiese spesies bestaan, sal enige verlies aan reikwydte tot uitwissing aanleiding gee.

NASIONALE BEDROG BLITSLYN
0800 701 701